

Naqqiut

(taarserneqarpoq kalaallisuuani saqqummiussissut 30. januar 2015-meersoq)
(qallunaatuuani saqqummiussissut 30. januar 2015-meersoq taarserneqanngilaq)

Uunga siunnersuut: Siusinaartumik pensionisiat pillugit Inatsisartut inatsisaat nr. xx, xx.xx 2015-imeersoq.

(Ilaqtariinnermut, Naligiissitaanermut Isumaginninnermullu Naalakkersuisoq)

Saqquummiusissut

(Ilaqtariinnermut, Naligiissitaanermut Isumaginninnermullu Naalakkersuisoq)

Siullermeerneqarnera

Naalakkersuisut matumuuna siusinaartumik pensionisiat pillugit inatsisartut inatsisissaattut siunnersuut saqqummiuppaat.

Siunnersuutip tunuliaqtaa tassaavoq siusinaartumik pensionisiallit ilatsiinnarluni pilersugaanermit sallinngortillugu sulisinnaassutsiminnik atorluasinnaanissaat namminneer-lutillu isertitaqarnissamut periarfissat kajumissuseqarnerullu nukittorsarnissaat pillugit kissaateqarneq. Innuttaasut nukissaminnik pitsaanerpaamik atuinissamut periarfissinneqarnisaat taamatullu imminnut pilersorlutik atugaqarnissamut periarfissaqalernissaat Naalakkersuisut siunnersuutikkut kissaatigaat. Innuttaasup nalinginnaasumik suliffeqarnissamut periarfissatigut killeqarnerat sammiinnarnagu siunissami innuttaasut nukissaat sammineqarnerulissapput.

Naalakkersuisut isumaqarput innuttaasup pineqartup angerlarsimaannarluni ilatsi-innarmerminngaanniit inuiaqatigiinnut tapersiinissaa pitsaanerusoq. Tapersiinerit suulluunniit siusinaartumik pensionisiallimmut namminermut, qanigisaasunut inuiaqatigiillu aningasaqarnerannut pitsaasumik sunniuteqassapput.

Tamanna siusinaartumik pensionisiallip tiimini qanoq amerlatigisuni sulisinnaanera apeqqutaatinnagu atuuppoq.

Aaqqissusseqqinnikkut sulisinnaassuseq pinngitsoorani naliliiffigeqqinnejartalissaq kingusinnerpaamik ukiut tallimakkutaarlugit. Sulisinnaassusermik nalilersueqqittarnerup malitsigissavaa inuttaasup isumalluutaasa taassumalu ineriarornerata annerusumik qitiutin-neri. Taama iliornikkut siusinaartumik pensionisiallit suliffeqaratik ilatsiinnalernissaat pinngitsoortinneqassaaq.

Siusinaartumik pensionisiallit sulinissamut aningaasanik kajumissaarutissaqassapput. Si-usinaartumik pensionisiallip isertitaasa annikilliartinnerini aningaasartai allanngortinne-qarput, sulinissaq sulisinnaassutsillu atorluarnissaakajuminnarnerulersillugu.

Naalakkersuisut isumaqarput inuit imminnut pilorsorsinnaasut pisortanit pilorsorneqassangitsut. Taamaammat siusinaartumik pensionisialik nammineerluni isertitaqqortuppat siusinaartumik pensionisiallip pensionisiami 20 pct.-iinik tamatigut pissarsisarnissaa atorun-naarsinneqarpoq.

Kiisalu inatsisitigut erseqqissarneqarpoq innuttaasut sulisinnaassuseqanngitsut piginnaangorsaqqinnissamut sulisinnaassusaannillu nalilersueqqinnissamut ilaatinneqannginnissaat. Innuttaasut sulisinnaassuseqanngitsut sulilernissamut pinngitsaalineqanngitsut atugaat inatsisisstatut siunnersuusiornikkut pitsangorsaaffigineqassapput.

Inuaqatigiinni sanngiinnerpaanut pitsaanerusumik periarfissaqartitsinissaq Naalakkersuisut kissaatigaat, tamannalu ilutigalugu innuttaasunut suliniutit sallitunneqassapput, suliniutit innuttaasup suliffeqalernissaanik kinguneqartitsisinnaasut inuit ataasiakkhaarlugit oqaloqatigisarnerisa, aaqqissuussaasumik ataqatigiissaakkamillu ingerlanneqarnerat aqqutigalugu sulisinnaassusaannik ineriaartortitsisinnaasut.

Taamatut oqaaseqarlunga saqqummiussissut Inatsisartunut oqaluuserisassanngortippa.